

新民縣志

丙寅六月
汪毓昌題

新民縣志目錄

第十六卷

物產

穀類

蔬類

果類

木類

花類

草類

藥類

羽類

毛類

鱗類

蟲類

貨類

物產

新民地方數百里遼柳兩河流貫其中地質大率沙塵土疏故其習俗惟事田畜無魚鹽蠶絲之利所產與遼東西數百里以內之縣無所區分以視遼陽海蓋或難爭勝近年遼柳之濱柳林如莽柳條一物採之可製箱篋居民不知用以取贏反為外人捆載以去轉以製物取利中國大豆麻子遠行海外乃不知以機器榨油與之爭逐獸皮獸毛微至鬃尾我之棄物人盡購之大利外溢一縣如此可為憬然說者每謂地非膏腴土之所產難事改變然蒲河種稻不過數年田利之興過於梁豆即此

以論物產之有無多寡固在土宜而精以求之尤闕人事啟聞
淪智以工以作是在我新之民茲特舉新民所產植動諸物據
採訪所及一一著之於篇以待後之君子考方物觀世變者有
所原本亦庶幾周官土訓班氏地理之遺愷乎
穀之類

高粱 高粱於古無考始見廣雅謂之藿粱謂之木稷博物志
謂之蜀黍種來自蜀故名蜀黍今俗呼高粱種類甚多
有紅殼散穗紅殼緊穗黃殼散穗黑殼散穗黑殼緊穗
數種苗高丈餘粒圓重新民產最饒土人半皆飯此漚

粟

為米粉可製餅餌和以麥麴可釀酒香味芳冽麻醉力最大遇火輒燃即古燒春也今呼燒酒又呼燒刀子俗又呼老白乾其糖穀為家畜飼料其稽為燃料其皮可製席又一種蜀黍之稷性者俗呼黏高粱有紅黃白黑數種又一種筍帚黍俗呼筍帚糜子穗極長可為帚

盛京通志古以米之有稭殼者為粟今以穀之最小而圓者為粟俗呼穀子色白者最貴黃者次之穗長下垂粒小而圓外有殼去皮殼呼為小米為黃河以北人民常食之品可造餅餌製酒為飴其藁俗呼穀草可用

為芻其穰可葺屋

麥

廣雅麥小麥薺大麥本作來年詩周頌貽我來年吳晉
本草大麥一名橫麥爾雅翼大麥宜為飯又可為酢其
藁可為飴新民大麥分有芒無芒二種可釀酒製飴為
醬油原料小麥分赤白二種可為麴二麥俱春種夏熟
其藁可造夏帽或玩器又一種燕麥俗呼女麥性適於
溫帶地方新民所種甚少色分黑白粒有短大細長之
別又一種鈴麥即橫麥俗呼鈴鐺麥類大麥而大色黑
蕎麥於古無考本草蕎麥莖弱而翹然易長易收磨麴

蕎麥

黍

如麥王禎農書曰北人多種之白居易詩曰蕎麥鋪花
白當唐之中葉蕎麥已見詩人吟詠其列入穀類蓋久
矣種有大稜小稜黃色黑色之別黑色最佳夏種秋熟
為百穀中播種最晚者

禮曰薺合說文禾屬而黏者也以大暑而種故謂之黍
又黍有二種黏者為秬可以釀酒不黏者為黍如稻之
有秠糯也爾雅翼黍大體似稷古人併言黍稷今人謂
黍為黍稷吳汝綸深州風土記蘇恭謂稌即稷程氏謂
稌即黃黍內則直呼曰黍不得冒稷其說是矣至謂蘇

強分黍為二穀則尚未盡凡以稌為稷乃蘇恭創說前
古無有故不足憑大抵黍稷二穀形相似雖農夫亦多
未辨故自古博物君子多有爭辯新氏土產分黃紅黑
斑等色以黃者為多而佳土名紅黏穀去殼俗呼小黃
米

稷

禮曰明粢說文齊也五穀之長徐鉉注稷即稌一名粢
楚人謂之稷闕中謂之麋其米為黃米周官土訓注云
幽并地宜麻釋文麻一作麋程易疇九穀考云麋必麋
字之誤深州風土記謂陶宏景以後稷稷二穀始誤吳

瑞以高粱為稷尤為無據今定粟即稷上已有粟此稷
宜從刪去吳汝綸為近世通儒根據羣書定稷為粟是
也惟今俗稷與粟似有別宜兩存之新民土產分紅黃
二色俗呼糜子去殼呼為大黃米土人煮之成粥或製
饅餅和以麥麴可釀元酒又呼為黃酒

玉蜀黍

玉蜀黍不見於古籍莖葉似蜀黍子藏包中土名包

光米種類甚多有甘玉蜀黍馬齒玉蜀黍白玉蜀黍黃
玉蜀黍與小米同為幽燕人民常食之品可磨麴可煮
粥色白者可攪入麥麴

稻

說文稌也詩周頌豐年多黍多稌韻會有芒穀即今南方所食之米水生而色白者爾雅翼稻米粒如霜性尤宜水一名稌然有黏有不黏今人以黏為秧不黏為秔又有一種曰秈比於秔小而尤不黏其種甚早今人號秈為早稻秔為晚稻六書故南方種自六月至九月獲北方地寒十月乃獲遼瀋地寒稻非所宜見於載籍者惟新唐書渤海傳有盧城之稻前清之世產於奉天者獨遼陽有名色微青味香美號遼陽青新民夙不產稻民國以還屬境沿蒲河居民始行試種今未及十年種

稻之田據農會會長等調查已逾二萬畝獲利頗厚

稌

即黏稻俗呼稌米味甘香可釀酒漚為米粉製食品最

佳

秈

即稻之不黏者六書故稻性宜水亦有同類而陸種者

稗

謂之陸稻新民所產即陸種俗稱稗子產量不如水稻
說文禾別也孟子苟為不熟不如美稗性宜下濕米可

食尤宜飼家畜藁俗呼稗草可以葺屋亦可為芻

脂麻

黃帝素問麻麥稷黍豆為五穀正字通麻即油麻俗呼

芝麻可榨油為油類中最上之品性喜上田新土壤

非所宜產甚少

蘇

爾雅謂之桂荏本草注蘇從穌舒暢也蘇性舒暢行氣和血故謂之蘇俗呼蘇子有赤白二種收子可榨油高阜之地種之適宜新民產無幾

蕪麻

本草葉似大麻子如牛蠅殼中白肉如續隨子仁油可作印色盛京通志子斑紅如牛蟲者可入藥黯花者俗名大麻子二種俱可榨油其粕製餅名麻油餅可為植物肥料

火麻

本草雄者名桑麻雌者為苧麻子曰麋可榨油皮漚為

麻曰線麻

大豆

博雅大豆菽也詩豳風禾麻菽麥周禮注九穀兼大豆
小豆管子地員大菽細菽深州風土記大豆分大小青
黃黑白赤綠花紅諸色盛京通志大豆分黑白黃褐青
斑諸色今新民隸奉天應按通志所載諸色分別著錄
色黑者土名合豆一名烏豆有大烏小烏之別味苦不
可食稻生者八藥名稻黑豆色白者俗稱白眉豆色黃
者土名元豆俗稱金黃豆色青者俗稱青皮豆褐斑無
別名合黑白黃青統曰大豆大豆為奉天全省特產新

民產最厚佔輸出品之鉅額可榨油可製腐可造醬其
粕可飼家畜可作農田肥料

小豆

即古之細菽分白紅諸色可釀酒可製粉赤者入藥名
赤小豆

豌豆

廣雅脾豆豌豆留豆也王伯申疏證云四民月令正月
可種春麥脾豆深州風土記今北方種豌豆在正月與
四民月令符故北農語曰豌豆大麥不出九也李時珍
曰豌豆種出西胡其苗柔弱宛宛故得豌豆名百穀中最
先登者嫩時青色者則斑麻遼志名曰鶻豆今新民有

豇豆

大小二種性不畏寒不擇土種者甚多惟種時較深州風土記所云為遲地又偏於北也

廣雅胡豆踳躑也李時珍曰豇豆蔓生花紅白二色莢白紅紫赤斑駁數色長者二尺開花結莢兩兩並垂又曰此豆多紅色莢必雙生故有豇踳躑之名深州風土記今案豇為踳躑之合聲李謂踳躑為豇是也但廣雅以為胡豆不得謂誤蓋豆之來自外國者甚多新民豇豆土人又有十八豆跑破鞋諸名蔓生以外別有矮生者

萊豆

本草舊書皆作萊豆李時珍改萊為綠性甘寒清熱解毒盛京通志粒粗而深綠者為上粒潤而淡綠者次之萊萊豆粒圓如珠較菽為大豆者小而尤圓與大豆之黑黃諸色形與性俱不同深州風土記並列入大豆之類似誤新民所產少于大豆張麵可製餅餌漚之製粉條粉皮蒸之生芽俱可佐菜蔬之用

蠶豆

王禎農書謂其蠶時始熟故名盛京通志按豆中惟此無枝蔓亦呼樹豆

扁豆

李時珍曰扁本作扁莢形扁也瀋陽縣志色不一有早